

ոչ ոք իշխէր խօսել ինչ զսոյմանէ , զի մի՛ բամբաստեսցին իբրեւ զկաշառառուս , զի եթէ 'ի հաճոյս Հայոց խօսէին՝ Յոյնք բամբասէին , և եթէ Յունաց՝ Հայք . և այնպէս մնայր գործն անկատար . զայս ամենայն Փոխանորդ Պողոս վարդապետն գրեալ ծանայց յերուսաղէմ՝ 'ի բանից Ամիրայից , և պատուէր սաստիկ՝ լինիլ նոցա խորհրդապահ , և չհանել երբէք զբանն 'ի վեր մինչ ցվախճան գործոյն , գուցէ Յոյնք պատրաստեսցեն զնիւթ կուռոյ եւ առիթ լիցին խռովութեան , և կամ յայտնապէս զրկեսցեն 'ի սովորական արարողութենէ մերմէ . մի և մի իւրիք տայցէք պատճառս 'ի կողմանէ ձերմէ , որպէս չետուք մինչև ցարդ , զի ինքեանք անկան 'ի գուրն զոր փորեցին . զի դատաստան Արքայի արդարութեամբ է , ուրեմն մեք մեզէն մի՛ լիցուք վրէժխնդիր , եւ երեւեսցուք պարտաւոր առաջի Տէրութեան և դայթակղեցուցուք զնա , այլ յամենայնի խնամով վարիլ ընդ Յոյնս , զի մի առիթ առեալ զիրաւունս մեր՝ յայլ եզանակ ամբաստանեսցեն զմեզ և պարտաւորեսցեն , և այլ սոցին նման բանք :

Եւ յետ այնորիկ մատուցին Հայք զերկուս գիրս ազաւանաց , մին առ Դենպետն մեծ , և երկրորդն առ Տեղապահն (Գայմազամ) , և խնդրեցին զհրովարտակն՝ որպէս հրամայեալ էր Արքայի : Եւ 'ի վերայ այսր կազմեցաւ ժողով մեծ քան զառաջինն 'ի Դուռն Դենպետին ('ի 25 Ապրիլի) . զնացին անդ ամենայն գլխաւորք Հայոց , եկին և Յոյնք բազմութեամբ մեծաւ , ընդ որս էին Պատրիարքն Երուսաղէմի եւ երեւելի Պոյարք , որք յայլում նուագի չէին եկեալ 'ի ժողովն : Եւ իբրեւ հրաւիրեցան յԱտեան Դատաւորաց՝ Յոյնք խնդրեցին բազմութեամբ մտանել , որ յայլում պահու չէին համարձակեալ , եւ ըստ ներելոյ Ատենին՝ մտին յերկաքանչիւր կողմանց 15 ոգիք , ընթերցան դարձեալ յականջս նոցա ըստ առաջնոյն զիլամն եւ զհրաման Արքային . Դատաւորք ասեն՝ ահա լուայք ըզհրաման Արքայի , ուրեմն՝ ըստ բարեհաճ կամաց նորին մեծութեան՝ պարտիք առնուլ հրովարտակ , խաղաղիլ և օրհնել զԱրքայն : Խոնարհեցան Հայք եւ գոհութեամբ շնորհս մատուցին և օրհնեցին զԱրքայ : Իսկ Յոյնք լռեալ դագարեցին և ոչ օրհնեցին , սպա ասեն՝ ազգն մեր ոչ